



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### De Sapiente Fructuoso Epistolares Libri quinque

Bonifacio, Juan

Ingolstadii, 1606

VI. Iacobo Peresio de fructuosi sapientis adiutoribus.

[urn:nbn:de:hbz:466:1-51159](https://nbn-resolving.org/urn:nbn:de:hbz:466:1-51159)

is hostia illa gratissima. perge ita fa-  
 cere, & vel in morbo valere, constan-  
 terq; illius coeleste esse donum agno-  
 sce, tibiq; persuade, non valere melius  
 esse, neq; enim tam multorum preces  
 esse, irritaq; sunt, sed quia multo me-  
 ior tua sit in morbo cōditio, eum esse  
 pariter bonitas diuina diuturnū. quod  
 tero agritudinis ac melancholiæ, il-  
 lus inquam, quæ frustra suscipitur, ne  
 nomen quidem velis audire, tibi verè  
 ex animo gratulor. grauis mihi cre-  
 dere est, tetra, funesta, quæq; cum,  
 virtute & sapientia habitare non pos-  
 sit: hanc omnino exterminemus, illas  
 tantaxat contractiunculas relinqua-  
 mus, quas non voluntas & inuitatio  
 quædam ad mœrendum, sed morbi  
 & naturæ necessitas affert. Cura vt  
 gratia apud Deum valeas, qui enim  
 valet, is verè valet.

IACOBO PERESIO.

*De fructuosi sapientis adiutoribus.*

**N**ON possum dicere Peresi o-  
 ptime, quoquo modo hoc  
 Oo 4 acci-

accipiatur, Societatis viros domo  
 curâtes confessionum, & concionum  
 gloria carere: & si enim se non esse  
 sapientes profitentur, vel quia literas  
 non didicerunt, vel quia non ostensa-  
 uerunt, tamen quia sapientum adu-  
 tores sunt, pro sapientibus haberi so-  
 bent. Non hic de Ioanne illo Fernan-  
 des, nõ de Ludouico Almeyda loqui-  
 mur, qui sacrorum ordinum expo-  
 sites, quòd Episcopi nulli essent, à quibus  
 initiari possent, in insula Iapona  
 innumerabiles in diuina lege inili-  
 tuerunt, & fonte sacri baptismatis ablu-  
 uerunt, de te, mi Iacobe, tuique  
 similibus sermo mihi est, quorum vita  
 non minus salutaris, fructuosaque  
 est, quàm eorum, qui sacerdotes sunt,  
 quiq; literata virtute hominibus pro-  
 desse student. Non enim benignissimus  
 ille parens, quos propter se & videt  
 esse sollicitos, & sedulæ, operosæ,  
 officiosæque illius virginis Marthæ  
 forte contentos prolis suauitate desit-  
 tuit, liberisq; finit orbari, quorum  
 quanta gignendorum auiditas sit, Ra-

Luca 10.

Genes. 30. c.

Rachelis declarat exemplum, quæ virum  
 suum Iacobum his verbis quondam  
 appellabat: *Da mihi liberos, alioquin mor-*  
*iar.* Tantum dolorem & ex sororis  
 fecunditate, & ex sua sterilitate capie-  
 bat! Et quidem homini ad veram  
 gloriam nato nil tam esse molestum  
 solet, quã ita viuere, vt sibi duntaxat  
 vni, nõ etiam aliis natus, & in hanc lu-  
 cem susceptus esse videatur. Par-  
 tus vero ille, quem mens nulla cum  
 pudoris iniuria procreat, tanto est  
 charior, quanto purius & dignius ge-  
 neratur. cuius nostri homines præter  
 ceteros percupidi, & appetentes  
 sunt, nec quiescere possunt, nisi Deo,  
 quem intimis sensibus amare debent,  
 quamplurimos aggregent, Ecclesiæ-  
 que regnum amplificent, quod exi-  
 guis definiri terminis dolent. qua-  
 re quæ tua soboles sit mi Iacobe, qui  
 cum literas didiceris, laicus tamen  
 esse voluisti, quæque illorum, qui  
 in cœnobiis propter Deum humana  
 procurant, & quanta progenies sit,  
 explicandum mihi est, illudque; ponend-

Oo s dum

dum in primis, de quo nemo vnquam  
 sapiens & sanus dubitauit, religio-  
 rum familias cohortes quasdam esse  
 militares, quibus pietatis, probitatis  
 que hostes oppugnantur. Christiana  
 enim ditio, quæ suis est munita pro-  
 fidiis vim arcet, irruentiumque inimi-  
 corum propulsat impetum, illius fro-  
 ta, defensaque numine, qui se in afflictis  
 rebus præsto esse futurum spondens  
 negauitque inferorum valuas, id est  
 Cacodæmonum acies tales vnquam  
 ac tantas fore, vt Ecclesiæ firmissimam  
 arcem labefactent. Cumque monas-  
 teria quasi quædam castra sint, vnde  
 milites prodeunt, quò fessireuertun-  
 tur: sacri eorundem homines qui  
 concionari, docere, scelera expiare,  
 cumque hominibus versari iubentur,  
 pugnatorum imaginem gerunt: qui  
 verò domestica curant, his militibus  
 similes sunt, qui in castris relictis sac-  
 cinas, impedimenta que custodiunt,  
 tuentur belli subsidia, iis, qui dimi-  
 cant, portum, perfugiumque parant, in-  
 columitatemque à tergo pollicentur. hos  
 illis

Matth.  
 16.6.

illis ipsis, qui hostes fuderint, Dauide  
 equamus authore. Cùm enim David  
 ex fortissimo milite clarissimus impe-  
 rator Amalecitas secundo prælio su-  
 perasset, opimaq; spolia hostibus ade-  
 misset, prædam omnem ex æquo par-  
 tens nihilo ditiores illos milites exire  
 passus est, qui vicissent, quàm qui lan-  
 guentes & fessi ad sarcinarum custo-  
 diam restitissent. quin etiam ex illo  
 tempore vim legis obtinuit, vt eorum  
 similis esset conditio, qui gladio ho-  
 stem cæderent, quique in castris re-  
 manerent. A rege enim prudentissi-  
 mo, militarisq; artis sciētissimo vtros-  
 que pari iure retinendos, & in eadem  
 fortuna esse ponendos Israëlitę didice-  
 runt. Parua enim sunt arma foris, ni-  
 si est consilium domi. mensam sternis,  
 cibos & epulas condis, etsi fames  
 pro condimento est, hortum conse-  
 ris, supellectilem & curas & custodis,  
 varia vitæ subsidia vndique apportas,  
 lupem cogis, vicos & oppidula perlu-  
 stras, vt professâ ista domus alatur,  
 quæ annuos fructus habere nō potest,  
 neque

*Reg. 1. c. 30.*

*Cicero 1.  
officior.*

neque certa vectigalia, ista nisi fas,  
 domi se Euangelicus interpres con-  
 neat necesse est, securus ut agat, con-  
 cionetur, admoneat, de se non labo-  
 ret, aliis succurrat, tu ipse laborans,  
 currendo, æstuando, algendoq; peccatis,  
 quid igitur impedit, quo minus in  
 victoria societatem te possis offerre  
 concionaris, dico aperte, doces, in-  
 tuis, confessiones audis, quandoque  
 dem te cibos coquente, & corporis in-  
 menta comparante, sacri operarii  
 mi pabulum Christiano populo largi-  
 untur. Quare teneamus istiusmodi  
 administratores non modò rerum ve-  
 banarum, sed etiam bellicarum gloria  
 clarere. Decertant non gladio com-  
 nus, sed sagitta eminus, & telo morti-  
 fero, sæpeq; euenit, ut ab his capitalis-  
 simus hostis vulneretur. Sic enim le-  
 gimus regem Achabum periisse: talis  
 etiam Abimelechi Gedeonis filij inse-  
 ritus fuit, quem mulier ex alta turri  
 percussu lapidis interemit. Quod  
 quod ligone, veru, tridente, fuste, le-  
 pidibus, iisq; ferramentis, quæ nostri  
 fratres

*Regum 3.  
 cap. 22.*

*Indic. c. 9.*

fratres tam sæpe sumunt in manus,  
 geri pugna commodè potest:mitto il-  
 lud bellandi genus,quod tibi,tuiq; or-  
 dinis hominibus solet esse notissimū:  
 nam precum suarum quasi tela criniti  
 monachi, capillatiq; nostri adiutores  
 in hostes iaculantur. Mose brachia in  
 celum tollente, supplicesq; manus *Exod. 17.*  
 tendente Iudæi in acie stantes vince-  
 bant, simillimè vobis precatibus Chri-  
 stiani nostri milites victoriam conse-  
 quuntur. Danda igitur nostris his ca-  
 lonibus palma est, belliq; feliciter ad-  
 ministrati gloriæ pars communican-  
 da cum illis. Sæpenumero quòd vin-  
 cimus, quòd superamus, quòd viui-  
 mus, illorum, & sedulitati, & charitati,  
 & pietati acceptum ferre debemus.  
 Nisi enim pugnātibus nobis auxilium  
 atque opem tulissent, vires ad prælia  
 nostræ torpuissent. Ergo Ecclesiæ Chri-  
 stianæ vetus hæc consuetudo est iam,  
 inde ab Apostolorum ducta tempori-  
 bus vt aliis concionantibus, alij men-  
 sas, tricliniaq; procurent. Nam vt san-  
 ctus Lucas in historia commemorat, *Actor. c. 6.*  
 crescen-



*Act. 6. c.*

creſcente in dies numero Chriſtiani-  
rum, Apoſtoli niſi illius cibi parant,  
quo corpus hoc alitur, curam depen-  
derent, Dei verbum commodè præ-  
dicare ſe non poſſe, viderunt, eoque  
viros ſpectatæ virtutis, & in iis clarif-  
ſimum Stephanum menſæ miniſtrum  
elegerunt, quorum etiam pariter  
erāt, vt miſericordiæ munera obirent,  
egentium inopiam ſubleuarent, me-  
dicitatemque multorum paſcerent,  
& Marthæ exemplo toties hoſpiti-  
um Chriſtum ipſum acciperent, quos  
es Chriſti nomine viatoribus & pete-  
grinis menſam & lectum præpara-  
rent. Quòd ſi is, qui Prophetam re-  
cipit, vti ex Euangelio didicimus, me-  
cedem Prophetæ accepturus eſt, re-  
quitur, vt qui Euangelicum doctri-  
nam è Chriſtianæ adhortationis gym-  
naſio reuertentem cibo recreat, do-  
ctoris & concionatoris ſit præmio de-  
corandus. Si enim fatemur, ab adole-  
ſcente Saulo priuſquā Paulus eſſet, qui  
nullum lapidem iecerat, ſed eorum  
à quibus dilapidatio fiebat, quòd  
ardent-

*Matt. 10.**Act. 7. c.*

ardentiùs ac studiosiùs facerent, ve-  
 tes asseruabat, Stephanum omnium  
 acerbissimè atque acerrimè esse mul-  
 tum: cur non dicamus, qui concio-  
 rum, confessionumque beneficio  
 ex flagitiis emergunt, non de his mi-  
 nus bene mereri fratres silentio do-  
 mestica tractantes quàm sacerdotes  
 concionantes? *Saulus plus seuebat* (in-  
 quit Augustinus) *omnes adiuuando,*  
*quàm suis manibus lapidando, in omnium*  
*manibus erat, qui omnium vestimen-*  
*ta seruabat.* Similiter coquus, obsona-  
 tor, œconomus, lignator, aquator in-  
 omnium sunt ore concionatorum,  
 qui omnibus concionatoribus cibum  
 parare non desinunt. Neque solùm  
 fratrum sedulitas, sed multo etiam  
 magis sanctitas perditis hominibus  
 saluti est: Nam neque qui plantat, ali-  
 quid est, neque qui rigat, sed qui in-  
 crementum dat Deus, is effector  
 est omnium. Qui quò à nobis reli-  
 giosius colitur, eò illius erga homines  
 manus est largior. Fieri que sæpe solet,  
 ut oratorum suadela multorum ex  
 tacitur-

*Sermo. 1. de  
 conuersio.  
 S. Pauli.*

*1. Ad Cor.  
 6.3.*

taciturni, laboriosi q̄; fratris silenti  
virtute nascatur. Deus enim conc  
natoribus non ita sanctis vim illa  
dicendi, & acrimoniam deesse no  
patitur propter illorum preces, à qu  
bus sanctè & augustè colitur: ita el  
quentiam parit infantia, oratorisq̄  
victoriæ fraterculum idiotam illum  
quidem, pium tamen & religiosum  
authorem habuerunt, diciq̄; illud  
cris sæpè adhortatoribus potest, *ali*  
*borauerunt, & vos in labores eorum intr*  
*istis.* Quæ cum minimè Franciscus  
nesciret sanctissimæ, atq; egentissimæ  
paterfamiliæ, verba illa ex Annæ Sa  
muelis Prophetæ matris cantico: *Do*  
*nec sterilis peperit plurimos, & quæ mem*  
*habebat filios infirmata est,* sic Bonaue  
tura teste interpretabatur, vt diceret  
copiosum partum iis ventribus fore  
attribuendum, qui steriles habiti es  
sent, illorumq̄; rursus orbitatè osten  
sum iri, qui liberos, & prolem iacta  
uissent, huiusq̄; admirandi spectacul  
diem illum supremum indicem fore  
*Gen. 30. c.* Vt enim Rachel, quos Bala pepererat,

*Ioan. 4. c.**Reg. 1. c. 2.**In Vita S.  
Francisci.**Gen. 30. c.*

filios appellabat, & numerabat in-  
 uis, ita plurimi concionatores, & sa-  
 rarum rerum administri alienos par-  
 tas pro suis venditant, inaniq̄ue læti-  
 tia gestiētes cū infœcundi sint, pul-  
 herimæ prolis satores se esse glori-  
 antur. Quanquam capillati nostri  
 fratres non solū hoc adiuventi no-  
 mine in re domestica, non tantum,  
 quia pij, religiosiq̄ue sunt, sed etiam  
 quia prudēter, salutariterq̄ue loquun-  
 tur, gloriosæ huius nostræ militiæ  
 participes esse debebunt. Etsi enim  
 rem familiarem tueantur, tamen alta  
 iubentur spectare, & vbi se occasio tu-  
 erit, dataq̄ue facultas erit, ad confes-  
 sionē scelerum inuitare illos debent,  
 quibus cum negociantur, illam imi-  
 tati ancillam, cuius admonitu Na-  
 manus ille Syrus in Samariam venit,  
 vbi Heliseo supplex fuit, & lepræ  
 curationem, ac medicinam inuenit. *Reg. 4. e. 3.*  
 Non concionantur? at quos possunt,  
 hortantur ad conciones audiendas,  
 non docent? at vbi sit doctor osten-  
 dunt. Non medentur animi vulne-  
 ribus?

P p

ribus? at authores leprosis sunt, vobis  
Sacerdotibus indicent, & ne à lon-  
ne refugiant, identidem rogare non  
desinunt. Ergo vobis gratulandum  
meritò est, in quos cœlestis ille domi-  
nator tam plena manu beneficia con-  
gessit. Alta sine invidia, sine de-  
core tenetis hæc infima. Chari sunt  
liberi? sobolem propagatis, opratio  
animi tranquillitas est? in illam vobis  
tanquam in possessionem venire  
cet quotidie, nil tam dulce, quam  
res commentari cœlestes & diuina  
hæc vobis facultas semper datur, De-  
enim cum simplicibus sermocinatio-  
nem esse solere testatur antiquitas,  
quæ tam multos & anachoritas &  
cœnobitas illiteratos habuit, sanctos  
tamen. Hoc vitæ genus sapientissimum  
idiota ornauit Antonius, hoc ille,  
qui vnus Dauidici versiculi auditi-  
one contentus: *Dixi custodiam vias meas*  
*vt non delinquam in lingua mea, magi-*  
*strum, à quo sacras literas doceri con-*  
*perat, non amplius adiit, satis putans*  
*sibi illud esse quod audierat, hoc Ser-*  
*uulus*

S. Athana-  
sius in Vita  
D. Antonij.

Psal. 38.

Pambus  
hic erat,  
Vide histor.  
Eccles. lib.  
3. cap. 1.

Lib. 4.  
Dialogo.  
cap. 14.

Hic in san-  
ctorum re-  
latus est  
numerus  
à Sixto V.  
anno 1588.

Libro con-  
tra Gual-  
terum.

...aliter literarum vsque eò rudis, vt  
...legere quidem sciret, sed ita san-  
...tus, vt de eo sanctus Papa Gregorius  
...eris multa mandarit. Hoc Franci-  
...cus columen sanctitatis, hoc Franci-  
...ci innumerabiles sectatores, quos ex  
...analibus discimus, quorum vnus  
Compluti iacet, quem tu & nomine  
...fers, & factis quoad potes, imitaris:  
...hoc ipso numero laicus ille est, qui,  
... Hieronymus Osorius Syluensis  
Episcopus scribit, idemque suauis  
...ator, quoties vox hæc AMOR vsurpa-  
...atur, sui imposuebat in terram, op-  
...pressisque & confopitis sensibus iace-  
...bat immobilis. Nostros non nouit,  
...quorum multos laudibus si nouisset,  
...extolleret. Nam Bernardus, Fulgen-  
...tius, Crucius, Leo, Gutterrius, Pradus,  
...Philippus, Ximenius, Ontannio, Frã-  
...nciscus Martinus non concione, quòd  
...literati essent, sed religione, & dome-  
...stica procuratione claruerunt. Multi  
...gnatio Azebedio duce in illo ad Bra-  
...lliam cursu gloriosam mortem pro  
...Christo oppetiuerunt, neque se illo-

P p 2 rum

*Ioannes  
Sosa ab  
olla, & cu-  
lina, quo in  
ministerio  
sociis ali-  
quando de-  
seruerat,  
ad glorio-  
sam mar-  
tyrij coro-  
nam ascen-  
tus nouum  
parribus,  
fratribusq;  
solida vir-  
tutis ac  
submissio-  
nis certamen inie-  
cit. Mas-  
seius, lib.  
16. rerum  
Indica-  
rum.*

rum dissimiles præbuerunt, quibus  
eandem Brasiliam concionaturi  
perabant. Atque etiam ex Salsæ  
insulæ inclytis illis quinque mar-  
tyribus vnus Franciscus Aranea fuit  
laicus, in quibus illud etiam mirabile  
visum est, quòd Idibus Iulij anni  
interfecti pro Christi nomine sunt,  
quo ipso die ab hæreticis annis  
duodecim Ignatius, quem dixi  
bedus, comitesq; nouem & triginta  
cùm Brasiliam, vt dixi, peterent,  
tem pro Christi nomine, & eius Eccle-  
sia subierunt. Misericordiam diuina  
literæ decantant, nihil isto benignius  
est munere, præclarum est, de huma-  
no genere bene mereri, vestra sedu-  
tas perficit, vt qui Sacerdotes sunt,  
pdesse hominibus possint. Nisi enim  
ianuæ, triclinio, sacrarum rerum  
stodiæ præficeremini ( loquor enim  
& tecum & cum tuis ) ampla illa, egre-  
gia, salutaria, quæ Societas suscipit,  
hominum vita requireret. Consi-  
dere & concionari in templorum  
gestis & gloriosum, & fructuosum

t, quid  
 aturi p  
 Sallena  
 mar  
 fuit d  
 mirabil  
 anni r  
 ine fun  
 nis am  
 dixi A  
 trigin  
 ent, me  
 ius Eccl  
 m dicit  
 enigm  
 de hum  
 ra fedu  
 res sunt  
 Nisi em  
 erum c  
 or enim  
 illa, eg  
 suscipit  
 Confite  
 rum leg  
 tuosum  
 lem

semper est visum, ab hac laude nemo  
 os vnquam sanus exclusit, qui toties  
 oncionamini, quoties sacris præco-  
 nibus necessaria ministratis. Quod  
 nim multis audientibus magnus ille  
 ompeius, M. Tullio Ciceroni testi-  
 monium dedit, frustra se triumphum  
 de externis Romani nominis hosti-  
 us adepturum fuisse, nisi summo Ci-  
 ceronis in rempublicam merito, à quo  
 quissima Catilinæ & sociorum con-  
 uratio compressa erat, locum, vbi tri-  
 umpharet, habuisset: idem operosis  
 nostris fratribus dari sanè quàm verè  
 oportet, nò enim minus præclarum vi-  
 deri debet, vt qui longè à domo decer-  
 rant, habeant quò victores reuertan-  
 tur, quàm patefacere prouincias, re-  
 gionesq; ignotas aperire. Nam qui ex  
 oncionibus, confessionibus, peregri-  
 nationibus fessi laboribusq; debili-  
 tati redeunt, in vestra benignitate  
 conquiescunt. qui ægrotant, eos ita  
 tuetis, vt *non urbis delicias, non matris*  
*auerant affectum*, quæ verba Hierony-  
 mi sunt cœnobarum erga malè ha-

*In Epistola  
 ad Eustoch.  
 de Virginit.  
 seruanda.*



bentes charitatē antiquam extollentis. libet quid idem doctor hic maximus de sanctis artificibus sentiat, experire, libet eadem ipsa verba profert, quæ de Nepotiano dicta tuis istis artibus auctoritatem, laudemq; conseruant. *Erat, inquit, sollicitus, si niteret alere, si parietes absq; fuligine, si panimēta, si ianitor creber in porta, vela semper ostiis, si sacrarium mundum, si vasa luculenta, si in omnes ceremonias pia sollicitudo posita, non minus, non maius negligebat officium, ubicunq; eum quæres, in Ecclesiis inuenires. Nobilem virum Q. Fabium narratur antiquitas, qui etiã Romana scripturae historia est, sed magis ex pictura, quam ex literis nomen inuenit. Et Beselehel nostrum plenum sapientia & spiritu Dei scriptura testatur. Hiram quoq; filiū mulieris Tyriae, quod alter tabernaculi, alter templi superlatilem fabricati sunt. Quomodo enim late segetes, & vberes agri interdum culmibus, arboribusq; luxuriant, ita praeclara ingenia, & mens plena virtutibus in variarum artium redundat elegantiam. Vnde & apud Graecos Philosophus ille laudatur, qui omnes, quos*

*In Epitaphio Nepotiani.*

*Exod. 31.  
3. Reg. 5.*

extollere, usque ad pallium, & annulum ma-  
 suam suam factum gloriatus est. Hoc idem possu-  
 mus & de isto dicere, qui basilicas Ecclesie,  
 & martyrum conciliabula diuersis floribus,  
 & arborum comis, vitiumque pampinis ad-  
 umbravit. Hæc ille, quæ declarant eas  
 artes, quæ manibus exercentur, ma-  
 ximis hominibus indignas non esse,  
 tibi que Societas non minus isto no-  
 mine debet, qui cum in omni litera-  
 rum genere viguisses, tamē illa liben-  
 ter agis, quæ corpore geruntur & viri-  
 bus, tibi que mater pro pietate præ-  
 mium optat à Deo, quod maximum,  
 quodque sempiternum illis in cælo pa-  
 rat, qui arrogantia & fastu carue-  
 runt. Argiæ Sacerdotis Cleobis & Bi-  
 ton filij prædicantur, nam cum matri  
 solenne, statumque sacrificium insta-  
 ret, & eundi tempus vrgeret, mora-  
 renturque iumenta, veriti ne aut seriùs,  
 quam fas esset, mater accederet, aut in-  
 dignius, quam sacrificij ius poscebat,  
 egredieretur, veste posita, corporibus  
 que oleo perunctis iugum subierunt,  
 parentemque & tempestiuè & hone-

Cicero in  
 1. Tuscul.

stè satis longè ab oppido in fanum  
 uexerunt: tum mater precata est  
 Dea dicitur, vt liberis mercedem  
 pietate redderet, quæ omnium ma-  
 ma esset, quæ si in illis duobus fabula  
 fuit, historia certè quidem in vobis  
 Christi currum portantibus, alacriter  
 quæ trahentibus. vestem ponitis, ceru-  
 cem submittitis, collum, dorsum, ac  
 humeros oneratis, stabulum purgatis  
 non illud Augiæ, cuius tamen mun-  
 tias, si fabulas audire volumus, Hercu-  
 laudi fuit, terrâ subigitis, corporisque  
 defatigatione animum ab omni labe  
 purum, integrumque seruatis. Quo  
 autem loco qui in isto labore, mun-  
 reque versantur haberi debeant, et  
 Romano Pontifice Gregorio VII. di-  
 ce, cuius ego diplomatis quo sancti  
 Benedicti celeberrimum quoddam  
 in Germania monasterium approbat  
 confirmat, extollit, verba notauit, que  
 sic habet: *Nonnulli pro amore Christi con-  
 uenerunt, huius feruoris, huiusque humili-  
 tatis, vt eis non tam libeat haberi pro mon-  
 chis, quam pro seruis monachorum, & ultra  
 se obta-*

*Tritemius  
 in historia  
 monasterii  
 Hirsaugi-  
 ensis.*

obtulert ad ministerium coquina, pistri-  
& aliarum humanarum necessitatum,  
quod planè tanto maioris est meriti, quanto  
expressius illum imitantur, qui cum sit cœ-  
lestium virtutum imperator, tamen homo  
cælestis in hunc mundum venit, non tam mi-  
nistrari, quàm ministrare. Hucusq; Pon-  
tificis, quæ me ita verba delectant, nihil  
mihi iucundius legerim. hæc igitur  
causa est, cur hæc infima tantopere  
nos ter pater Ignatius adamauerit, pri-  
mi Societatis patres tam sæpe in culi-  
nam venerint, cuiusque provinciæ o-  
ptimates, ipseque generalis lances la-  
uet, doctissimi & nobilissimi quique  
signa comportent, focum extruant,  
egrotantibus præsto sint, & maximi  
illius Gallicani imitatores se præbe-  
ant. quid alibi fiat, nescire me fateor,  
nec enim in aliena republica curio-  
sum me esse delectat. De nostra fami-  
lia hoc verè affirmabo, non hominum  
conditionem, sed mores & vitam ob-  
seruari. honos habetur isti ordini, vita-  
que fratrum laboriosorum & à multis  
expetitur, & ab omnibus honoratur.

P p s multi

multi viri nobiles apud nos diuina  
 the ministeria perpetuò tractant  
 susceperunt, neque vlla ratione  
 sunt à sententia deduci. quia nimium  
 optabile illud esse munus existimant  
 in quo summa est tranquillitas cum  
 summa honestate coniuncta. itaque  
 se libentissimè laboribus domesticis  
 addixerunt, auremque quod est  
 voluntariæ seruitutis insigne, peti-  
 rauerunt, illius exemplo qui dixit

*Esaie. 50.* Dominus aperuit mihi aurem, ego autem  
 non contradico. Quæ cum ita sint, gratu-  
 lor tibi Peresi optime, & illis etiam  
 qui isto vitæ genere delectantur. cuius  
 muneris Sanctissimæ virginis sanctis-  
 simus sponsus Iosephus antesigna-  
 nus erit, & ductor, quem scimus Da-  
 filio, cum esset in terris, eiusque ma-  
 tri purissimæ atque integerrimæ pre-  
 sto fuisse, & ad victum & cultum ne-  
 cessaria ministrasse. Vale. Tibique  
 persuade laboris tui Societatem nun-  
 quam immemorem fore, quæ illud ex  
*Ecclesiastico* recolit *si est tibi seruus fi-*  
*delis, sit tibi quasi anima tua.*

*Esaie. 33.*